



Samostalni sindikat zaposlenika Uprave za indirektno/neizravno oporezivanje Bosne i Hercegovine  
Самостални синдикат запосленика Управе за индиректно опорезивање Босне и Херцеговине

*P. R. R. K. O.*  
*UINO*  
*21.05.2014.*

Mehmedalija Osmić  
Predsjednik Sindikata UINO BiH  
Tel:061/721-018

Datum:19.05.2014godine

Poštovani,

Molimo Vas da,kao profesionalci čiji rad izuzetno cijenimo, u Vašim informativnim emisijama prezentirate sledeće:

#### SAOPŠTENJE ZA JAVNOST

Dana 18.05.2014 godine Upravni odbor Sindikata Uprave za indirektno-neizravno oporezivanje BiH održao je hitni-telefonski sastanak kojom prilikom je jednoglasno odlučeno da se pokrene inicijativa oko doniranja sredstava, namijenjenih za isplatu regresa državnim službenicima za 2014 godinu, a građanima ugroženim nezapamćenim poplavama u BiH (Republika Srpska, Federacija BiH,Brčko distrikt).

Ovo se, prije svega odnosi,kako na članove našeg Sindikata kojih ima oko hiljadu, tako i ostale uposlene u Upravi.

Naša je želja da u ovoj humanoj akciji učestvuju svi zaposleni u institucijama BiH. S tim u vezi planiramo se obratiti i ostalim sindikalnim organizacijama (Granična policija, SIP-a, Sindikatu pravosudnih institucija, Odbrane itd.). Nadalje, o našoj inicijativi namjeravamo upoznati i nadležne u Ministarskom vijeću BiH.

Posebno se naglašava da je direktor naše Uprave gospodin Miro Džakula izrazio punu podršku našoj inicijativi, uz obećanje da će staviti na raspolaganje sve resurse Uprave, a u cilju realizacije navedenog.

Mi iz našeg Sindikata, a ubijeđeni smo i sve naše kolege zaposlene u Upravi, (od kojih je veliki broj, takođe,pogođen ovom prirodnom katastrofom),duboko u duši, iskreno prijateljski, suosjećamo sa svim našim građanima, širom naše države, koji su suočeni sa velikim nedaćama i nastalim problemima.

Posebno želimo obećati našim građanima, a imajući u vidu ogroman značaj UINO kada je u pitanju ekonomija BiH, da ćemo radne zadatke, koji stoje pred nama, izvršavati profesionalno, savjesno i odgovorno, a sve u cilju što bržeg izlaska iz ogromne krize u kojoj se nalazi naša država i boljeg sutra svih nas...

S poštovanjem.

Predsjednik Sindikata  
Mehmedalija Osmić

